

唐
文
拾
遺

唐文拾遺卷之五十二

榮祿大夫三品頂戴前分巡廣東高廉道加四級臣陸心源輯

□元質

元質垂拱中人失姓

八都壇神君實錄

昔唐堯氏作奄有冀方晉卿族興裂爲趙國

缺二字羣

缺十

祠宮跨南垂而臨北際業希舊時古木十圍道

亞仙公幽靈八座精義而入相兆於儀形妙物

缺七字

八都壇者都望八山之始壇也此地名山封龍之類

有八因壇立廟遂爲號焉親親之道或謂昆季則壇

三 如桂有叢連蜷偃蹇于庭之畔方丈之地入樹

星羅閒踈然見同氣長幼之象然而深根固本龍盤
武據建殖時代人莫能知驗其磊落多古殆萬年也
蓋棟宇未作靈祇之所憑焉氣色青念狀煙霏兮霧
籠馨香郁烈若蘭時芋菜節左車降生之地休蔭弘
多漢明載誕之城芳猷允塞豈徒川原之上祗稱明
淨而已哉昔漢光和中將馮氏敬而不怠穀至兩錢
感恩立銘盛績猶在自茲以後鮮或能繼雖明時聖
日久屬昇平而旬雨谷風頃乖期候或蚩鳥荐出商
羊屢舞顧畢昴之分野同壽春之東西九年之儲汲

汲於餬口萬人之衆散散以疚心獨我關亭不減平
素匪惟神助亦在人弘弘之而誰可得言也時令蕭
倓梁後□之幼孫陽羨公之愛子金陵地業夙著盛
名玉樹時英少歸雅望禁樹祔寵期黑頭以爲公數
奇不調將白首而作宰安此下人頌聲載路丞薛惟
節曾祖暉列棘周代大父約剖竹皇家君之降生庶
推必復青雲自遠貳翔鸞於斗城非罪而來助割雞
於子邑主簿趙延慶體兒魁梧識度夷曠久而益敬
芬若芝蘭仰之彌高邈如雲漢左尉司馬玄同器宇
幽深學術該瞻何思何慮運鬼謀於掌握玄之又玄

窮道源於脣吻此等官屬實曰循良辟人爲龍如鸞
佐鳳聰明正直道合於神蘋蘩蕝藻感而必應井邑
之地水旱無虞疆里之間稼穡獨茂甫田歲計家積
千箱栖畝餘資周給壹郡就蒙福祐更表休徵嘉禾
白鳩往往間出殊根會蒂示同心也雪羽霜毛旌潔
白也酒食宴樂穆將愉予未央暉光日新鬱紛紜而
何極隣城以之健羨臺府由其籍甚裡祀相望掃除
不服刺史馮義故御史大夫安昌公之子也六藝俱
學于何不長八體論功斯焉特妙褰帷露冕不墜家
聲扶滯摧豪以爲已任下車未幾親行禮秩簞簋如

奠雲滿四郊舞詠未終澤洽千里司馬雲疎有清劭
之才負邦國之譽非其不可所寄無憂嘗以龍見密
雲逾積蹇紆鶴履明德是歆曾不崇朝滂霈而返司
法叅軍陳鼎量家保太王之道宜得于公之名俎豆
之間知其可任其後微旱又令禱謁曲加獎旸顧走
爲文不以人廢言亦應時流溢凡數齋告而屢有年
八縣空倉壹朝重實皆可案覆而敢公言只如呼木
扣藤沐蘭薦藻日有萬計願無壹違可得而聞不可
得而說也神之隣里鄉黨列於碑陰者參十伍人並
地望時雄耆年宿德每有邀福常所與祭荷明神之

重施欲古廟之增修間伺農隙率先人願以垂拱元
年十月一日依洪洞故事而興版築長垣百堵煙雲
相連迴廊四注陰陽不測大廈中起巍然若扶幽邃
窈窕不可談悉於是繪事入山署置叁面千巖萬壑
宛在目前想宣父之名耶思啟母之爲石琢磨琬琰
放象體勢方面列莛斑白有序光流聲殷之祉從此
而歸骨青耳細之竒望之如在巖巖焉森森焉人莫
敢視口周訪之能安寢乎事畢功弘旣而肯悅拔文
相質方議雕鏤忽有得神古碑有額無頌規矩裁製
則光和碑之元偶也嗟乎人懷陵谷之慮兩地不孤

神知修復之期千齡繼出氣衝積雪暫如埋玉光照
叢臺終同返璧宰君重其神應嗟玩久之謂今日抱
璞俟時豈無人之別玉闕文有待蓋知來之如今其
漢碑之建立也方伯馮公在位左尉樊君撰文此時
也刺史又馮君居右局神意人事尔知之乎元質肆
拾無聞壹命而仕地孤鼎氣家累玉山承乏末寮名
何足數雄文遠薦有覲於當仁吉事惟先不遑於覃
思直書其事焉敢論文勒爲實錄樹之於右蕭公結
構簡貴筆無妄得崇重明神敬恭繕寫鈎迴電轉金
曜星繁庶以發揮幽明暎澈今古願八君保乂俾萬

代垂光名之揚予德之至神之來予此無愧土之安
予岳之列若有人予斯不滅爲榮觀予□可閱石

張□

天授中人失名敬之之兄也

唐將仕郎張君墓誌銘

并序

君諱敬之字叔審功曹府君之第五子也耿介不羣
文藻貫世年十一中書舍人王德本聞其俊材當時
有□□制舉天下奇佚召與相見賦城上烏勒歸飛
二字仍遣七步成篇君借書於手不盈跬息其詩曰
靈臺自可依爰止竟何歸祇由城上令故向日輪飛

王公嗟味乃推爲舉首 自以其年幼第不入科以
門蔭補成均生高第授將仕郎非其好也遂與諸
兄紬按經史專以述作爲務唐咸亨四年七月十六
日卒於家春秋廿五大周天授之三年正月六日改
寔於安養縣西相城里君未及婚娶胤嗣永絕著書
無荷戟之童刻石闕鬻環之女執奠惟弟紀德乃兄
撫觀操觚號咷橫集其辭曰

楊童不秀顏子未實妙跡叅微神機入室差爾貞懿
身高漢佚夢蛟翻紙雕龍散筆其陳車夜動馬帳晨
開議深白觀言窮紫臺禍徵斷石悲纏贈口道存金

素書留玉杯

其二

漾池東驚驕山南拒燭乘埋隨連城

碎楚蕭颺風隧蒼茫月緒仲兮叔兮胡寧忍兮

其三 石刻

張口

失名天寶中符陽縣尉員外置

杜昆吾石龕像銘

并序

金玉其相追琢其光以三昧之力成眾真之妙者郡
司馬杜公焉公名昆吾字景山後魏黃門侍郎始平
憲公之五代孫皇朝太僕卿之子衣冠弈葉詞翰縱
橫已万卷而成麟振六條而分虎口也爲口謫宦于
斯歲次大泉獻

缺四 字

中部太守而至懿夫敬天之譴

不敢戲豫但

缺五字

運更龕□山□像於仁□壁□□

清江下澈妙本□□如空際□相生於靜現水中□

夫□□則□人利遠則福成□之契

缺五字

轉法輪於

金輓佩智印於

缺三字

誰曰不然乃爲銘曰

寶座層構辟容

缺五字

江□月在水香風甘露

缺四字

召

□□焉福□如是

金石苑

□鄮

鄮長慶中鄉貢進士闕姓

阿九墓誌銘

皇光祿卿贈左散騎常侍順陽□□女字阿九年十

六口長慶三年十二月十九日口終于京兆口興里
太夫人河東縣君裴氏傷悼貞淑哀疚于懷口夫口
口情性內理剋口肅聞壺之儀曉組經之跡至美不
顯胡其鑒耶缺十字懿口有垂缺字光之口其可勝哉
明年四月十一日窆於國之東隅白鹿原之別業鄴
奉高堂之命忍哀誌焉銘曰

口手裂心兮其痛何禁歛余之悲兮口口之深呼不
來兮思往莫得入九泉兮音姿悄默天不善善兮奈
何心悽怛兮口口淚濕栢根兮聲咽曠野一支長口

兮口墳之下

石刻

□泌

泌元和中人闕姓

長安昭成寺尼塔銘

大唐元和元年三月十四日長安昭成寺尼大德三
乘行歸寂于義寧里之私第春秋七十九戒臘一十
九伏惟神兮俗姓姜氏望本天水以簪纓承繼家寄
兩都自頓駕長安貫移上國今則長安高陵人也故
中散大夫贈太子左贊善大夫執珪之女適昭陵令
贈通州刺史李昕之妻婦德自天丹儀生稟事君子
之門敬姜比德方擇隣之愛敖母其明神儀惠和體

量凝肅有二子長曰誼終杭州餘杭縣令幼曰調終
溫州安固縣尉有嗣孫五人定寅寓寧寔皆夙承嚴
訓克孝克忠或位崇百里之榮或再班黃綬之職神
兮自中年鍾移天之禍晚歲割餘杭之愛由是頓悟
空寂寞息禪林自貞元四年銓名於此寺嗚呼蓮宮
始構法棟斯摧定等哀慕悲號攀援何及以元和二
年二月八日敬奉靈輿歸窆于城南高陽原禮也白
日晝昏悲風慟起玄雲低壟上之野苦霧暗行轡之
衢芻靈已陳窆戶斯掩泌追承遺則泣而爲銘勒石
紀文以永終譽其詞曰

神假溫恭天資淑德無言成教有儀是則捨故里之
喧喧歸夜堂之寂寂朝雲出谷兮行雨散暮鳥悲鳴
兮去無跡流光西沒逝水東極聞泉壤兮千秋烈餘
薰於貞石石刻

李口

失名大中間宣州涇縣尉

遺德廟陀羅尼經幢記

漢明帝夢金人

字缺九

興

字缺八歸心乃

字缺九

六根無

字缺五

字

字缺三

意

字缺七

永興俱入口口唐

字缺八

三

字缺五皇

帝施

字缺六

審訛謬

字缺八

瑩淨口三寶口立口四

字缺三

十力

字缺七

窺及無爲

字缺六

有五大夫草市

字缺五

拱信

思者皇撫州

字缺三

與大清信弟子方少通

字缺五

斯道

塲建造隨羅尼口績永口泊我皇昭諭當

字缺四

勅折

毀自會昌五載

字缺六

未因再樹

字缺五

今有口信弟子

方少通重新

字缺十

或濫口口舉首

字缺五

心證無爲之

體助

字缺四

具列人名刊于貞石

字缺七

舊觀

字缺九

悟佛

一字

字缺七

永口不朽大中

字缺四

刻石

口廖

廖咸通中人失姓

唐重修北巖院記

資中郡城

缺

數百步之近有靈巖

缺

蓋建中四

缺

智

之所開剏也前

缺

頂有寺曰

缺

地之上方矣洎會昌

五歲詔

缺

流有瀆其教而列刹

缺

其制者大

缺

留

一寺餘悉除去

缺

巖口構皆

缺

大中改元屢降

缺

所

缺

時郡邑申聞

缺

缺

茲巖勝境宜重興

缺

陽

公以清淨化

缺

心釋教無何夢中

缺

補復前

規

缺

右有所詣

缺

口果得其

缺

口滿前志

缺

焉佺公薙草植木

缺

建佛閣鍾樓齋厨惣一十三間

力口未周茅茨相半佺公以咸通六年七月奄

化滅其時前定邊節制大夫扶風公方莅茲郡以靈

巖絕境爲郡邑賞勝之地若非名德難副衆望沉吟
精選遂辟開元寺高行僧元鼎住持焉鼎公俗姓謝
氏敏慧之德發自齠齔剃落受具爰從弱年盡節師
資苦心戒行操稟真懇言無矯妄寒松孤鶴可以喻
其高潔矣自膺是選乃堅發弘願刻意增修或隨緣
化誘積微成著或率勵徒弟盡力口口手足胼胝未
嘗勌怠所受壇施除麤衣糲食之外一毫一粒悉歸
營繕於是宏材名匠有求必至因高就下獨得形勢
以心自相授偶運雕鐫斤斧之思焉數椽之內建立
尊勝幢二所佛閣講堂齋堂僧房門屋惣二十三間

皆宏麗顯敞克壯前規喜近檀越歸心善誘依崇巖
鑄衆像惣一百三所其餘院內石幢峭壁佛閣前後
門屋巖口石橋規畫廣廈已在心匠將畢志願期於
異日克就其功矣時也講堂初成巖秋景清修竹萬
竿新池一泓星龕照灼月殿丹樓洞徹氛埃光映林
壑詒茲勢勝卽四時之物象可知矣大矣哉鼎公之
瞻智宏規實法門之柱石苦海之舟航非心鏡同明
情田廣闢誘人於善路拯物迷津詎能臻於此乎師
以俟時因瞻禮目擊營建固求紀事難以庸淺爲辭
是用直書盛績期不泯於貞石也咸通十二年八月

一日記金石苑

按題下有前州衙推將仕郎試左武衛兵曹參軍

鄧

下一

行證以文中師以慘時因瞻禮

云

或當

是姓鄧名慘也

□蒙

蒙官判南觀察支使將仕郎試詹事府司直失姓

唐故宣義郎侍御史內供奉知鹽鐵嘉興監事

張府君墓誌銘

并序

府君以乾符六年二月卅日終于常州義興縣之私第踰月其仲弟中權衙哀致書□□□以誌來請蒙

之與君寓居同邑頃在京師往來甚密蒙之季與君之季

缺六字

交甚固以是得孰君之所行事書其善刊

諸石則又安可辭耶君諱中立字□□其先范陽人晉司空華十五世孫高祖紹宗皇邵州武岡令贈宜春郡太守博學工書著蓬山事苑卅卷行於世蘇許公爲之製集序韋侍郎述撰神道碑宜春生盛王府司馬翰林集賢兩院侍書侍讀學士諱懷瓌有文學尤善隸草書與兄懷瓘同時著名學士生池州長史贈金州刺史諱涉嘗以文學登制策科金州生晉州刺史諱爽進士及第登朝爲殿中侍御史□稱其□

享年不永竟不至高位當時惜之君卽普州第二子也幼失恃怙授兄長之訓初兄以口口調補霍山縣糾隨兄之任孜孜務學以至成人大中初再調授武進縣尉謂君曰曩以若等幼稚未克口生今旣長成可以歲事吾恐墜先志爲平生羞遂以武進授君曰無以家事縈我我行矣乃就詞科累戰皆北嗚呼天不福善旋抱陟岡之悲君撫視孤姪過於己子君之操尙出於先賢自武進歷處州麗水令婺州永康宰到永康不旬月旋丁內憂服闋予口口今祭酒常侍廉問陝郊素知其材奏爲郡糾值將受代事遂不

行君曰事之不行命也口郊特達之恩宜如何報乃
裹糧策蹇專專致謝亦古人之心也旣至輦下親舊
閒稍稍口口由是名姓頗達于上位今左丞韋公蟾
卽君之親外丈人時爲中丞遂奏爲臺主簿甚爲美
秩前輩名士多爲之然位卑任重尤不易處自憲長
以降無不譚其盛美無何故口口口師王公凝總擢
筦務奏爲嘉興監官意頗不樂辭不獲免遂授侍御
史內供奉知缺四年吏畏課溢咸謂得材及罷歸陽
羨舊居植花木與親朋骨肉聚會貧缺五之女嫁
之男娶之雍睦怡愉無一日不得其所復慕黃老之

卷五十二

士

術齋心焚脩頗得其

缺六字

無羨餘嗚呼真可謂賢達

之士矣方今盜賊未弭四方多事適當展材業振

缺六字

知方聞薦於宰執欲委之重難忽暴疾不六七日

而終嗚呼其亦命耶享年五十有五娶汝南周氏楚

州盱眙主簿元諒之亞女有子三人長曰庭誨令娶

姑之女次曰裔圖

缺六字

性過禮克紹其家女三人長

適河東柳氏卽前柳牧泰之第二子次許嫁宣

缺六字

及笄季弟仁穎登進士第有時名從知廣南幕下仲

弟

缺十

長安城南方屬道路艱虞未克歸祔遂卜用

其年四月十二日甲申

缺十

任光鄉許墅村之南從

先大父之塋右禮也嗚呼

缺銘曰

居官惠民居家睦親奉上禦

缺

陽羨之北荆溪之濱

下缺古
刻叢鈔

徐□

失名唐末鎮海軍節度掌書記

吳越國故僧統慧因普光大師塔銘

并序

蓋聞道宏大覺教演三乘福濟羣生化周□界法□
□須彌之廣□河包巨海之波元微設喻於□□宗
旨□傳於心印紹隆大教代有□能□□歷劫增修
多生結習或托陰于軒裳鼎族或降生于帝子王孫

□□不二之門□入會三之理其來也隨機□現與
聖合符其往也傳化他方歸真□有□知□身□相
妙果菩提去住無常古今一體大師俗姓錢氏法號
令因卽今天下都元帥吳越國王第十九子也宿根
淨業降慶王門□卞玉於庭中耀□珠于掌上稟訓
而□通六籍操心而暗達三明晨昏每□於缺六於
友愛爰□幼歲便斷葷辛及爾韶年遍□惠悟不觀
戲翫猷服綺紈□思□□之榮□□真如之理我王
方興正教大轉法輪遂捨□□得依釋氏□□而期
登妙覺修真而不□□城於是年始十三於梁乾化

三年四月十日申請住持安國羅漢寺以釋迦降聖之日對佛披剃脫紫綬□章之缺四字

三□之衣雖云

學藝從師實乃天生智慧梁朝以我王匡守宗社康

濟生民日盛桓文勲高典冊能捨□門

缺五大字

師於□□卽□□在當今而定比□頒□□顯□□

特賜法號仍□命服自是密持秘藏靜住祇園不

缺三

字喻青蓮之出水以

缺六

之無□當年於西都

缺三

明大

缺三

梁朝恩命□法相大師加賜三十□□當

年封安國羅漢寺主詮題妙

缺五

常念妙法蓮花經

以爲

缺八

神功

缺十

我王□巡錦里

缺四

時值中春

□□慶誕大師首登高座講讀蓮經

缺六字

口景仰咸

稱於法

缺七四字

依貞明元月上元夜又於功臣堂講七

寶陀羅經教

□□渺漫智理縱橫演說精微有

缺三字

機

缺五字

安不唯英雄側

缺五字

傾□□加以遍披內典

兼著文章所見一□□通□□五□俱下而又

缺七字

宏述作悉體於風騷詞藻皆精於雅麗□金□誓可

並芳猷刻燭成詩□□敏速二年我王□□上□廣

□僧□旣啟號□□師主領加法戒都監選練大德

三年我王以釋迦真身寶塔□在□江特建進宮精

崇塔聲以

缺三字

爰增百寶之莊嚴

缺四字

都城永興

軍民

缺三字

茲勝事無出於□□兼授眞身寶塔寺主

莫不愈精經論兼潔香光匡□教門紀綱法律悟道

而非求五

缺三字

而益勵三堅梵□傾

缺四字

仰六年加

授兩浙僧統龍德三年我王累功積德冠古超今大

國褒崇四方推戴祇膺簡冊肇啟王圖文武緇

缺七字

以大師演

缺十

改授吳越僧統賜號慧因普光大師

梵剎增輝僧徒□□必冀永爲法主長作教宗孰

缺五

字

五□示相

缺二十

大□而廣增福力告靈祇而希

助陰陽湯藥醫治宣傳駱驛凡關禱祝靡所不聞

缺十三

字

釋迦順□涅槃彌勒往往兜率乃知前佛後佛萬

論十□殊途同歸聖賢不易大師以寶大元年八月

十三日夜召□足□□付囑教門親述遺章

缺五

王

父尋命□□云吾常念法華經攝心不倦今欲集眾

諷誦益廣勝經纔唱真經端茶合掌□徹一卷乃命

鳴鐘令具奉聞□以此夜三更便□圓寂

缺四

真身

寶塔寺享年二十有四君父號慟棠棣哀傷風悲而

佛日沉光煙慘而慈雲□色兩都僧道痛咽酸辛我

王唯□香花疊修勝善□資妙果益證□通仍命遷

缺三卜營窀穸遂於錦里功臣山南面峯巒營建塔

院以其年十二月九日歸窆于塔

缺三

命□小師省

綠省善省□省勤省貞省□省□省超省□省希等

十人焚修住持大師幼雕慈愛不戀榮華洞曉大乘

了傳佛性□□方面示□□萬念以缺四雙修□無

□□所以不久□世者缺三果成□人天缺三赴□

華演隆法教垂梵天之景福廕家國之延齡□□職

忝詞林叨塵翰苑□奉□□令撰塔銘惟知不可思

議叙述莫缺七乃爲銘曰

□與法教大演真詮福利羣品三千大千缺七賢缺五

生王寶河嶽靈氣珪璋令質願捨貴□重明佛日

博通典籍洞曉元微辭榮捨愛缺十衣大戒□明□

欽道德誦論明敏緇黃表則

缺四

爲民爲國

缺五

理

教門

缺十

文

缺五

臨機

缺三

人才口梵刹紀綱口門

門

缺十

缺三

五

缺二

力所運

口古超今轉化他方

缺

十八

建塔

缺十

龍天擁衛垂蔭口基千秋萬歲

兩浙金石

志

史口

闕名南唐時史虛白之子

鈞磯立談序

叟山東一無間人也清泰年中隨先校書避地江表始營釣磯於江渚先校書意薄簪組心許泉石每乘

雙犢版轅車車後掛酒壺山童三五人側各總角負
瓢并席具以自隨遇境物勝概則取酒徑醉或爲歌
詩自號釣磯閑客割江之後先校書不祿叟嗣守弊
廬頗窺先志不復以進取爲念會王師弔伐李氏挈
宗以朝湖海表裏俱爲王人大同之慶有識之所共
咸以爲百生不可逢之盛際叟獨何者而私自怫鬱
如有懷舊之思追惟江表自建國以來烈祖元宗其
所以撫奄斯人蓋有不可忘者時移事往將就蕪沒
叟身非朝行口不食祿固無預於史事顧耳目之所
及非網罟之至議則波濤之窺語也隨意所商聊復

疏之於紙僅得百二十許條總而題之曰鈞磯立談
使小子溫成誦於口紐以存其梗概云吁文慙子山
之麗興哀則有之才愧士衡之多辨亡亦幾矣

鮑氏刊本

案江南野史虛白有二子次舉進士長早喪孫溫
咸平中擢進士第陸游南唐書史虛白孫溫天聖
中獻虛白文集不言鈞磯立談愚謂立談當是虛
白仲子所著虛白在南唐曾官校書郎故云先校
書溫爲虛白孫故曰使小子溫成誦于口也虛白
長子旣早喪其爲仲子所著無疑惜其名不可攷
耳

陳十八郎

失名南漢人

尊勝經石幢記

上乾和三年太歲乙巳三月八日丙寅缺陳十八郎

敬贖造加缺佛尊缺陀羅尼幢一座追薦幽途胡誤

物并乞自缺長於羅浮缺禪院供養設齋慶讚訖南漢

金石

紀

晉峻子

闕姓名大厯中人

雷氏琴銘

卓哉斯器樂惟至正音清韵古月澄風勁三餘神爽
泛絕機靜雪夜敲冰霜天擊磬陰陽潛感否臧前鏡
人其審之豈獨知政

澠水燕
談錄

唐文拾遺卷之五十三

榮祿大夫三品頂戴前分巡廣東高廉道加四級臣陸心源輯

闕名一

春賦

春日遲遲采繁祁祁翫柔風兮韶景睠芳節兮嘉時
勾芒兮太皞乘震兮執規道人道路以徇鐸太師奉
職而陳詩候當振蟄時將覺龜或以命樂正而習舞
或以勅獄吏而決辭爾其舉正於中履端於始瞻青
旗之在御見斗杓之東指農祥晨正土膏脈起望三
素之雲飲八風之水旣布令於五時復傷心於千里

風以解凍魚方上冰戴勝降桑而翔集王睢鼓翼以
嚶鳴若夫孔門浴沂之詠老氏登臺之樂知盛德之
在木見平秩於東作雨潤榆莢雲飛白鶴旣薦鮪以
乘舟亦先雷而奮鐸若乃珮蒼璧施立牛其祀戶其
兵矛至若綵樹初頒含桃始薦舉此青旛戴之綵燕
渟神水以釀酒用桃花而醺面亦復歌豳詩舞雲翹
后妃之種稂初獻東宮之琴瑟方調亦云候屬青陽
氣漸東陸食以蓬餌飲之漿粥進彼柔良去其桎梏
復聞青鳥司啟元鳥司分萬物孚甲之際精華結紐
之辰可以論爵賞之序可以留寬大之恩東郊方見

於朝日靈臺靡忘於書雲旣而日已載陽時惟獻歲
必埋鬻而掩骼亦行慶而施惠祭馬祖而祀高禰薦
鞠衣而修蠶器元日祈穀東郊迎氣女夷鼓土上人
秉耒若乃三朝三元時惟正始進椒花以獻壽□白
獸以言事設五木之湯列五辛之味戴憑重席而譚
經江夏舉衣而告瑞畫鷄葦索以皆陳栢酒桃湯而
具備放邯鄲之鳩獻彫胡之米或懸羊而磔雞或獻
琮而執贄斯謂上日四時肇啟至其元日命社以祈
農祥伊句龍之所主在水土而允臧漢祖口禴而事
著陳平分肉而道光實以陰而主殺豈伐樹以斯亡

亦以封土達氣報本反始或爲羣姓而立或以百家
共置爾其寒食之節禁火藏烟鬪雞蹋踘佐以鞦韆
原缺榆火將然古有司烜之禁俗有介推之言故周
舉之書已布而魏武之令方傳又有暮春之首布和
之辰臨流高會禊飲斯陳過平陽之第臨薄洛之津
集彼張裴翫茲洧溱復有蕙肴輕泛犢車見尋周公
之域洛邑秦昭之受水心或執蘭而容與或暴藥以
沈吟天淵則壇名積石華林則隄號千金叢花繞練
以凝望流鶯滿枝而嚶音斯並著於時令故存之於

翰林

大逆請改重法奏

貞觀二十一年刑部

准律謀反大逆父子皆坐死兄弟遞流此則輕而不

懲望請改重法

唐會要三十九

昭陵上食請依故事奏

永徽二年七月有司

謹按獻陵三年之後每朔望上食冬夏至伏臘清明

社節等日亦准朔望上食來月之後改復平常昭陵

所司上食請依獻陵故事

唐會要二十一

明堂制度奏

永徽三年六月二十八日有司

內樣堂基三重每基階各十二上基方九雉八角高

一尺中基方三百尺高一筵下基方三百六十尺高

一丈二尺上基象黃琮爲八角四面安十二階請從
內樣爲定基高下仍請准周制高九尺其方共作司
約准二百四十八尺中基下基望並不用又內室各
方三筵開四闕八窻室圓楣徑二百九十一尺按季
秋大饗五帝各在一室商量不便請依兩漢季秋合
饗總於太室若四時迎氣之祀則各於其方之室其
安置九室之制增損明堂故事三三相重太室在中
央方六丈其四隅之室謂之左右房各方二丈四尺
當太室四面青陽明堂總章元堂等室各長六丈以
應太室闊二丈四尺以應左右房室間並通巷各廣

一丈八尺其九室并巷在堂上總方一百四十四尺
法坤之策屋圓楣楯檐或爲未允請據鄭元盧植等
說以前梁爲楣其徑二百十六尺法乾之象圓楣之
下所施圓柱旁出九宮四隅各七尺法天以七紀柱
外餘基共作司約准面別各餘一丈一尺內室別四
闔八窻檢與古合請依爲定其戶仍在外設而不開
內外有柱三十六每柱十梁內有七間柱根以上至
屋峻起計高八十一尺上圓下方飛檐應規請依內
樣爲定其蓋屋形制仍望據考工記改爲四阿并依
禮加重檐准太廟安鴟尾堂四向五色請施四垣及

四門辟雍案大戴禮及前代說辟雍多無水廣內徑之數蔡邕云水廣二十四丈四周於外三輔黃圖云水廣四周與蔡邕不異仍云水外周堤又張衡東京賦稱造舟爲梁禮記明堂位陰陽錄云水左旋以象天商量水廣二十四丈恐傷於闊今請減爲二十四步垣外量取周足仍依故事造舟爲梁其外周以圓堤并取陰陽水行左旋之制殿垣案三輔黃圖殿垣四周方在水內高不蔽日殿門去殿七十二步准今行事陳設猶恐窄小其方垣四門去堂步數請准太廟南門去廟基遠近爲制仍立四門八觀依太廟門

別各安三門施元闢四角造三重魏闕

唐會要十一

減馬料餉飢戶奏

開元二年宰臣等

陛下緣亢旱親降德音減膳撤樂朝野之人無任欣感然食粟之馬在廐猶多自今請馬料日減其半迴餉飢戶則人畜偕濟免供億之乏

冊府

岳瀆祝版稱皇帝奏

開元九年六月五日太常

伏准唐禮祭五岳四瀆皆稱嗣天子祝版皆進署竊以祀典五岳視三公四瀆視諸侯則不合稱嗣天子及親署其祝文伏請稱皇帝謹遣某官某敬致祭于

岳瀆之神

唐會要二十三

處分道僧奏

開元二十四年七月二十八日中書門下

臣等商量緣老子至流沙化胡成佛法本西方興教使同客禮割屬鴻臚自爾已久因循積久聖心以元元本系移就宗正誠如天旨非愚慮所及伏望過元日後承春令便宣其道僧等既緣改革亦望此時同處分

唐會要四十九

東封樂舞奏

開元二十九年六月

東封太山日所定雅樂其樂曰元和六變以降天神順和八變以降地祇皇帝行用太和之樂其封太山登歌奠玉幣用肅和之樂迎俎用雍和之樂酌福飲

福酒用福和之樂送文迎武用舒和之樂亞獻終獻
用凱安之樂送神用夾鍾元和之樂禪社首送神用
林鍾宮順和之樂享太廟迎神用永和之樂獻祖宣
皇帝酌獻用光大之舞懿祖光皇帝酌獻用大明之
舞太宗文武皇帝酌獻用崇德之舞高宗天皇大帝
酌獻用鈞天之舞中宗孝和皇帝酌獻用太和之舞
睿宗大聖真皇帝酌獻用景雲之舞徹俎用雍和之
舞送神用黃鍾宮永和之樂臣以樂章殘缺積有歲
時自有事東巡親謁九廟聖情愼禮精祈咸通皆祠
前累月考定音律請編入史冊萬代施行

通典一百四十七

釐事二百日成考奏

天寶二年八月考功

准考課令考前釐事不滿二百日不合成考者釐事
謂都論在任日至考時有二百日卽成考請假停務
並不合破日比來多不會令文以爲不入曹局卽不
爲釐事因此破考臣等參量但請俸祿卽同釐事請
假不滿百日停務不至解免事雪却上其考並不合
破若有停務逾年不可更請祿料兼與成考

冊府六
百三十

五

食封人兩京給付歿後元孫直下一房許在分

限奏

天寶六載三
月六日戶部

諸道請食封人準長行旨三百戶以下戶部給符就
州請受三百戶已上附庸使送兩京太府寺賜坊給
付者今緣就州請受有損於人今三百戶以下尙許
彼請公私之間未免侵擾望一切送至兩京就此給
付卽公私省便侵損無由又準戶部式節文諸食封
人身歿已後所得封物隨其男數爲分承嫡者加一
分至元孫卽不在分限其封總入承嫡房一依上法
爲分者若如此則元孫諸物比于嫡男計數之間多
校數倍舉輕明重理實未通望請至元孫以下準元
孫直下一房許依令式餘並請停唯享祭一分百世

不易自然爭競永息勲庸無替

唐會要九十

景皇帝陵臺加尊號奏

天寶十三載太常禮院

禮記追王太王王季上祀先公以天子之禮上文言追王王季下文言上祀先公足明追者全用天子之禮先公惟祀事得用故鄭元注言追王王季者以近起焉又言追王者改葬之矣葬且猶改則其餘可知伏以景皇帝並是追尊皆用天子之禮陵臺之號不合有殊

唐會要二十

詳議獄成奏

乾元元年十二月十四日刑部

准名例律法云獄成謂臧狀露驗及尙書省斷訖未

奏疏曰賊謂所犯之賊見獲本物狀謂殺人之類得
狀爲驗雖在州縣並爲獄成若尙書省斷訖未奏卽
刑部覆訖未奏亦爲獄成今法官商量若歛自承伏
已經聞奏及有勅付法刑名更無可移者謂同獄成
臣今與法官審加詳議將爲穩便如天恩允許仍永
爲常式

唐會要
三十九

決有兩種法開二門奏

乾元二年六月
十四日刑部

謹按五刑笞杖徒流死是也今准勅除削絞死唯有
四刑每定罪須降死刑不免還計斬絞勅律互用法
理難明又應決重杖之人令式先無分析京城如是

蠱害決者多死外州見流嶺南決不至死決有兩種

法開二門

唐會要三十九

請復御正殿奏

上元元年八月
中書門下

陛下前以憊陽經時避居正殿凡在臣庶無任兢惶
今至誠感通嘉雨霑洽兇渠授首同類革心臣等敢
昧死請自今已後依常儀御正殿

冊府

州縣三考一替奏

寶應元年
十月吏部

准今年五月詔州縣官自今以後宜令三考一替者
今數州申解疑三考後爲復待替到爲復便勒停請
處分者今望令已校三考官待替到如替人不到請

校四考後停

冊府六百三十五

內外官授日計考奏

閏月
考功

內外員外官等除合在定數外准勅並任其所適既
不入曹無憑檢考以來或有申者卽與見在同奏檢
勘之時成破不一文案混雜條流未明臣等商量望
請自今以後內外文武員外同正及試官除合在任
外一切不在申校之限並聽從授日計考准中中例
敘用

冊府六百三十五

立京外按察司奏

寶應二年
正月考功

請立京外按察司京察連御史臺分察使外察連諸

道觀察使各訪察官吏善惡其功過稍大事當奏者
使司案成便奏每年九月三十日以前具狀報考功
其功過雖小理堪懲勸者按成卽報考功至校考日
參事跡以爲殿最

唐會要
八十一

釐革諸道料錢奏

大曆十二年五
月中書門下

得蘇州刺史兼御史大夫知臺事李涵東都河南江
淮山南等道轉運使吏部尙書兼御史大夫劉晏戶
部侍郎專判度支韓滉等狀釐革諸道觀察使團練
使及判官料錢觀察使

令兼使不
在加給限

每月除刺史正俸
料外每使每月請給一百貫文雜給准時價不得過

五十貫文都團練副使每月料錢八十貫文雜給准時價不得過三十貫文觀察判官

與都團練判官同

每月料

錢五十貫文支使每月料錢四十貫文推官每月料錢三十貫文巡官准觀察推官例已上每員每月雜給准時估不得過二十貫文如州縣見任官充者月料雜給減半刺史知軍事每人除正俸外請給七十貫文如帶別使不在加限雜給准時估不得過三十貫州縣給料

其大都督府長史准七府尹例左

右司馬准上州別駕例支給料錢刺史八十貫文別駕五十五貫文長史司馬各五十貫錄

事參軍四十貫判司三十貫參軍博士各一十五貫

錄事市令等各一十三貫縣令四十貫丞三十貫簿
尉各二十貫右謹具條件如前其舊准令月俸雜料
紙筆執衣白直但納資課等色并在此數內其七府
准四月二十八日勅文不該者並請依京兆府例處
分其中州中縣已下三分減一分其額內釐務比正
官減半其州縣官除差充推官巡官及司馬掌軍事
外如更別帶職亦不在加給限

唐會要
九十一

停諸州團練守促使奏

大歷十二年五月
十日中午門下

諸州團練守捉使請一切並停其刺史自有持節諸
軍旅司馬卽同副使之任其判司旣帶參軍事望令

司兵判兵馬案司倉判軍糧案司事判甲仗案其兵士量險隘召募謂之健兒給春冬衣并家口糧當土百姓名曰團練春秋歸冬夏追集日給一身糧及醬菜諸道先置上都邸務名留後使宜令並改爲上都進奏院官諸道觀察都團練使判官各置一人支使一人推官一人餘並停

唐會要
七十八

武德以來功臣約爲三等奏

建中元年九月五日史館

武德已來實封陪葬配饗功臣名跡崇高者十一人第一等司空魏國公裴寂納言魯國公劉文靜太尉趙國公長孫无忌尙書左僕射衛國公李靖司空英

國公李勣中書令漢陽王張柬之中書令博陵王崔
元暉侍中平陽王敬暉侍中扶陽王桓彥範中書令
南陽王袁恕已尚書左僕射徐國公劉幽求二十四
人第二等司空河間王孝恭開府儀同三司鄂國公
尉遲敬德特進莒國公唐儉輔國大將軍夔國公劉
宏基左驍衛大將軍薛國公長孫順德行臺尚書左
僕射蔣國公屈突通行臺尚書右僕射鄖國公殷開
山戶部尚書渝國公劉政會工部尚書應國公武士
護荊州都督譙國公柴紹揚州都督襄國公段志元
右驍騎大將軍郟國公張公謹右領軍大將軍盧國

公程知節徐州都督胡國公秦叔寶禮部尚書永興
縣公虞世南工部尚書武陽縣公李大亮散騎常侍
豐城縣男姚思廉左武侯大將軍邢國公蘇定方夏
官尚書耿國公王孝傑右武衛大將軍韓國公張仁
愿光祿卿琅邪郡公王同皎兵部尚書代國公郭元
振尚書左丞相燕國公張說兵部尚書中山郡公王
峻等三十四人第三等司空淮安王神通特進江夏
王道宗中書令邾國公宇文士及行臺左僕射鄴國
公竇軌大府卿葛國公劉義節左屯衛大將軍襄武
郡公劉師立右驍衛大將軍梁國公安興貴右武衛

大將軍申國公安修仁左衛大將軍譙國公竇琮夔
州都督息國公張長遜黔州都督夷國公李季和右
光祿大夫羅國公張平高左監門大將軍榮國公樊
興左武侯大將軍郇國公錢九隴右武侯大將軍沔
陽郡公公孫武達左武衛大將軍懷遠縣公杜君綽
右驍衛將軍安化縣公龐卿憚涼州都督廣德郡公
李安遠涼州都督同安郡公鄭仁泰刑部尚書吳興
郡公沈叔安右領軍虢國公張士貴左驍衛大將軍
畢國公阿史那杜爾右武衛大將軍琅琊郡公牛進
達輔國大將軍嘉州郡公周護仁右武侯大將軍天

水郡公邱行恭尚書左僕射冀國公裴冕吏部尚書
清河郡公房琯門下侍郎衛國公杜鴻漸開府儀同
三司武威郡王李嗣業衛尉卿顏杲卿常山郡太守
袁履謙御史中丞張巡將軍南霽雲八人第二等大
尉臨淮王李光弼兵部尚書涼國公李抱玉司空霍
國公王思禮御史大夫劉正臣范陽長史賈循尚書
右僕射信都郡王田神功左羽林大將軍薛景偃唯
陽太守許遠七人第三等太子太師幽國公韋見素
侍中韓國公苗晉卿尚書左僕射趙國公崔圓尚書
右僕射辛雲京尚書右僕射扶風郡王馬璘右散騎

常侍太原尹鄧景山按史傳考詳事實約爲三等具

列如前

唐會要四十七

按卽行恭以下當有脫文

甲庫採擇一人專押奏

建中二年十月十一中書門下

中書門下及吏部制勅甲庫等准式中書舍人給事中吏部員外郎並合專判緣官望清高兼外有職事不得躬親所以比來文牒多有罪過今請每庫採擇一公清勤幹專押甲庫翼事得精其知經四周年無負犯仍望依資與改官

唐會要八十二

量復具員改轉舊制奏

建中三年閏正月十八日中書門下

准貞觀故事京常參官及外官五品已上每有除拜

中書門下皆立簿書謂之具員取其年課以爲遷授
此國之大經也自艱難已來此法遂廢垂將三十載
伏望自大厯十四年已來量署具員據前資見任員
量與改轉從今已後刺史四考郎中起居侍御史各
兩考餘官各三考與轉其升進黜退並准故事處分
仍下天下州縣審勘資前資見任其鄉貫歷任官諱
同一狀牒中書門下

唐會要
五十四

諸司文狀依限錄奏

建中四年六
月中書門下

應送諸司文狀檢勘節限中考文狀等並是每年長
行之事尙書省各依限錄奏舊例經一宿卽出如經

三日不出請本司更修單狀重奏又三日不出卽請
本司長官面奏取進止其內狀到各令本司兩日內
具省案及宣黃送到中書依前件所定限勘會宣下
卽事免稽滯又准開元十九年四月勅應加階并授
及勲封甲并諸色闕等進畫出至門下省重加詳覆
駁止者宜便注簿落下以墨塗訖仍於甲上具注事
由牒中書省

同上

請二王入朝事畢還藩奏

建中
有司上言

按漢儀注朝賀正月常一王四侯十餘載一至又按
史記諸侯王朝凡四見留長安不過二十日今諸王

入朝者甚多非爲示之簡要宏之禮節既乖古制有虧前典臣請每歲二王入朝禮畢還藩敢以義請

唐會

要二
十四

公主出降乘金根車奏

貞元二年
二月太常

長林公主出降準開元禮合乘厭翟車去年嘉誠公主出降得駕部牒造來多年不堪乘駕又得內侍省報舊例相沿乘金根車其時便已行用今緣禮會日逼創造必不及請準嘉誠公主例乘金根車

唐會要
卷六

吏曹條例奏

貞元二年
五月吏部

伏准貞元元年七月二十五日勅諸州府及京五品

已上官停使下郎官御史等宜付所司作條件聞奏者緣諸色功優非時授官闕員稍多請作節限許集上州刺史兩府少尹四赤令停替後請許一月內于都省陳牒納文狀畢檢勘同具申歷每至月終送名中書門下仍請不試太原河中鳳翔江陵成都興元府少尹赤令及京兆畿赤令中下州刺史諸使下停減郎官御史等停官當年并聽集六品以下常參官以理去任者當年聽集具員官京兆府先申中書門下省檢勘未成失文歷者其中先東西在遠不及選集並請依後件合集人限所在陳牒隨例赴集選人

有明經進士道舉明法出身無出身人有經制舉宏
詞拔萃及第判入等清白狀并有上下考校奏成及
孝義名聞制及勅褒獎者或曾任郎官御史起居補
闕拾遺太常博士兩府判司兩府畿赤官使下郎官
觀察使節府都團練都防禦度支水陸運鹽鐵使留
守判官支使推官書記等制勅分明貞元元年十二
月已前離任者一切聽集并六府少尹鵠赤令並不
在試例應未及一考已下被替丁憂服滿廢省患解
侍親并隔絕不上州府縣升降等官並聽當集緣未
得資望准六品已下選人例所試狀縱入下等望臨

時據人材定留放其違程不上人經免殿者聽集仍却還本道本色官應准格未合集人其中有文詞宏瞻學術精通灼然爲人所知亦任於所在府州陳狀本州長官精加選擇堪獎拔者具解申送依例赴集至省審加考覈有才實相副別狀送名如有踰濫其本州署申解牒本判官量事科罰四品官中有衰疾情願任致仕官者但是正員官不限考數任於所在州府陳牒依合集人狀樣通由厯准前送本道觀察使上省不用身到禮部附學官先及第人薦關吏部者並聽集准例試狀定留放應集合試官並望准舊

例狀一道仍准建中二年格例及大曆十一年六月
勅請條委左右僕射兵部尙書侍郎同考試其狀考
入上等具名所試狀依限送中書門下其考入下等
者任還

唐會要
七十四

階高官卑准格處分奏

貞元六年
六月吏部

准格內外官承泛階應入五品者制出日須經一十
六考見任六品官本階加正六品上應入三品者制
出日經三十考見任四品官本階加正四品上自建
中元年六月初有特勅諸道將士准制加泛階爵勲
等特許不檢勘注擬其正員官不在此限自後有司

因循以例破格應試官敘階並不限官品其中或官是九品階稱朝議郎或官是六品階稱正議大夫加一之階並入三品五品伏以元勅制令不檢勘無不限官階之文若以例判成卽階違格令請別立條限漸歸舊章應將士兼試官敘泛階奏勅已到令入三品者矜其勞効須有優獎其官階相當並請不限考數檢當任一銜有實許與結敘其階高官卑者請准格處分

唐會要
八十一

考課諸司比類格文定升降奏

貞元七年
八月考功

准考課令諸司官皆據每年功過行能定其考第又

准開元天寶以前勅朝官每司有中上考亦有中中
考自三十年來諸司並一例中上考且課績之義不
合雷同事久因循恐廢朝典自今以後諸司朝官皆
須據每年功過行能仍比類格文定其升降以書考
第不得一例申中上考應諸司長官書考不當三品
已上具銜牒上中書門下四品已下依格令各准所
失輕重降考

唐會要
八十一

觀察刺史等官考績奏裁奏

貞元七年十二月
校外官考使

准考課令三品以上官及同中書門下平章事考並
奏取裁注云親王及大都督亦同伏詳此文則職位

崇重考績褒貶不在有司皆合上奏今緣諸州觀察
刺史大都督府長史及上中下都督都護等有帶節
度使者方鎮旣崇名禮當異每歲考績亦請奏裁其
非節度觀察等州府長官有帶臺省官者請不在此
限

唐會要
八十一

請停東都禮生奏

貞元八年四月太常寺

本置禮生是資贊相東都旣無祠祭不合虛備闕員
且無功勞妄計考課年滿之日一例授官比來因循
實長徼幸其東都太廟及郊社齋郎先並准勅停訖
惟禮生尚在伏請下吏部自今以後不得更有注擬

其先補者並請追赴上都已滿者伏望量留四年未滿者請折聽或入考如有情涉規避委託事由兩月內不赴西都卽請牒吏部注甲解退收實本色冀循事實永絕姦源

唐會要六十五

貢舉人謁先師請別擇日奏

貞元九年九月太常

以十一月貢舉人謁先師今與親享太廟日同准六典上丁釋奠若與大祀同日卽用中丁謁先師請別擇日

唐會要三十五

搥鼓進狀却付本司奏

貞元九年御史臺

今後府縣諸司公事有推問未畢輒搥鼓進狀者請

却付本司推問斷訖猶稱抑屈便任詣臺司按覆若實抑屈所由官錄奏推典量罪決責如告事人所訴不實亦準法處分

唐會要六十

內供奉御史班位奏

貞元十二年十月御史臺

伏准貞元二年班序敕諸使下三院御史有本官是常參官兼者卽入本官班如內供奉裏行卽入御史班緣使下御史稍多近例並不在內供奉班內臣等參詳伏請自今已後請使下御史內供奉者入門日並依宣政殿前班位次員外郎之後在正臺監察御史之上便爲常式庶叶通規

唐會要六十二

旱損借貸奏

貞元十三年三月

諸道州府各遭旱損其諸州府有貞元八年已前見貯米麥斛斗三百八十萬石請各委州府借貸今秋成熟後依本數却納

冊府五百十一

女子李妙法廬墓奏

貞元十三年深州奏

博野縣女子姓李氏號妙法年六十六廬墓經三十七年初李少年遇安祿山逆亂被虜劫他鄉聞父亡欲奔喪又以有一子不忍分離遂割一乳留別孩子而奔喪既而號慟擗踊遂燒一指以啟告先靈又以不見靈柩志欲廬墓兄弟不許遂以刀刺心見其志

竟開塋道見棺槨塵土以舌舐之又以髮拭棺上塵
埃自是廬舍墓側往往有異鳥翔集其墳上先無樹
木李氏手自栽植雜樹一千根並高數尺初廬墓數
年又遇母疾漸至危殛李氏每見母飲卽飲母食或
嘔涎唾並皆嘗之無幾亡李氏自刺血母臂上以爲
記其至性如此

南部新書

改公主册禮奏

貞元十五年七月三日有司

册公主儀注伏準開元之儀侍中合宣制

今儀注誤以中書令

宣制則其日侍中闕行事之儀

中書令合受册又合以册授與册使

今儀注誤以中書侍郎授册使則其日闕中書令授册之儀

內册案自東上閣出

詣橫街北合宣付中書門下其侍中中書令其日并

行事

今儀注誤獨宣付中書令則侍中無憑宣付

今欲改唐會要卷六

病死羊羴送還太僕奏

貞元十八年五月太僕

每年四季送太常入滌羊羴送後或稱暴死准式埋

訖眞僞難明伏以毛色羊羴甚難擇採如有病死者

望還太僕卿准數送替庶易辨明永爲常式

唐會要二十三

三品官假滿日正衙參見奏

貞元二十一年五月御史臺

伏准承前舊例諸司三品以上長官請假滿日正衙

參見其餘品秩卑自有本司官長不曾于正衙參假

去年六月侍御史竇羣奏令尙書省四品中書門下

御史臺五品同三品例正衙參假訖既失舊章又煩
聖聽今請准例三品以上假滿日正衙見如有違越
請准乾元元年三月勅每犯奪一月俸

唐會要
八十二

升祔禮訖公私聲樂復常奏

永貞元年
十月太常

內外公私聲樂祭祠等漢魏已來既葬祔廟之後皆
復其常本朝行之以爲故事今德宗皇帝十一月四
日行升祔之禮訖事請皆如舊

唐會要
三十四

改正昭成寶后忌日行香奏

永貞元年十二
月中書門下

昭成皇后竇氏按國史長壽二年正月二日崩其時
緣則天臨御用十一月建子爲歲首至中宗復舊用

夏正卽正月行香廢務日須改正以十一月二日爲

忌

唐會要
二十三

曾太皇太后沈氏服制奏

永貞九年九月禮儀使

孫爲祖母合服齊衰五月漢魏以來時君皆行易月之制皇帝爲曾太皇太后沈氏合五日而除內外百寮並令從服以五日爲制其在興慶宮嘗侍奉太上皇者十三日而除

唐會要
三十八

廢文敬恭懿太子廟奏

元和元年太常寺

七太子廟文敬恭懿太子兩京皆是旁親伏詳禮經無文享祀官員所設深恐非宜其兩京官吏並請勒

停其屋宇請令宗正寺勾當者

唐會要十九

順宗配享昊天上帝奏

元和元年八月太常禮院

季秋大享明堂祀昊天上帝謹按孝經云宗祀文王於明堂以配上帝今太廟附享禮畢大享之日准禮合奉皇考順宗至德大聖大安孝皇帝配神作

主

唐會要十二

唐文拾遺卷之五十四

榮祿大夫三品頂戴前分巡廣東高廉道加四級臣陸心源輯

闕名二

致仕官身故非三品以上不輟朝奏

元和元年九月中書

門下

近奏定合輟朝官品勅已尋行其致仕官多是優禮
合同貞觀勅例未該須有處分自今以後其致仕官
如非曾任三品以上正官及歷四品清望並不在此
例

唐會要二十五

請置具員簿奏

元和二年正月
中書門下

正月敕文令於中書置具員簿以序內外庶官爰自
近年因循遂廢清源正本莫急於斯令京常參官及
外官五品已上前資見任起元和二年量定考數置
具員簿應諸州刺史次赤府少尹次赤令諸陵令五
府司馬及上州已上上佐東宮官除左右庶子王府
官因考已上並請五考其臺官先定月數今請侍御
史滿十三月殿中侍御史滿十八月監察御史依前
二十五月與轉三省官並三考餘官並四考外其文
武官四品已上並五考商量與改尚書省四品已上
文武官三品已上緣品秩已崇不可限以此例須有

追改並臨時奏聽進止其權知官後至兩考然與正授不得用權知官資改轉其內外諸色官中緣官闕要人及緣事須有改移者卽不在常格敘遷之限諸道及諸使副使行軍司馬判官參議掌書記支使推官巡官等有勅充職掌舉檢校五品已上官及臺省官三考與改轉官四考與改如未經考者並諸授同類官經兩考者依資與轉如前御史是使下官未經考者請以本官改轉經三考依資轉與仍許通前任計爲考數其軍州戎鎮別立功効事跡彰著爲眾所知者須別甄錄卽具上事跡奏聽進止其罷使郎官

御史任依舊冬薦其諸道應須薦送人等自今已後
諸郎官御史者便及時限同爲冬薦所同准例檢勘
申送中書門下六品已上非郎官御史者狀到後望
付吏部准貞元元年二月七日勅處分冊府六百三十一

請停諸陵遣使奏

元和二年九月
月中書門下

先王制禮皆有著定之文後聖沿情或徇一時之敬
過猶不及遂至于煩詢于有司參酌禮意若無釐革
稍續舊章其太廟諸陵薦新諸陵節日遣使臣等商
量請每除太廟時饗及朔望上食諸陵朔望奠親陵
朝晡奠外餘享祀及忌日告陵等並停其果實柑橘

蒲桃菱梨遠方所進並請遣使於諸陵薦獻果實之中甘瓜時異亦請至時上薦其餘瓜果四時新物並委陵令與縣司計會及時薦獻其專使亦停

唐會要十八

依舊置校理官奏

元和二年七月集賢院

伏准六典集賢院置學士及校理修撰官累聖崇儒不失此制至貞元八年判院事官陳京始奏停校理分校書郎四員正字兩員爲集賢院校理正字今諸校書郎正字並却歸秘書省當司請依舊置校理官庶循名實且復開元故事又直官請減五人寫御書

請減十人

唐會要六十四

中瑞下瑞申報有司奏

元和二年八月
中書門下

諸道草木祥瑞及珍禽異獸等准永貞元年八月勅
自今以後宜並停進者伏以貢獻祥瑞皆緣臘饗告
廟及元會奏聞若例停奏進卽恐闕于盛禮准儀制
令其大瑞卽隨表奏聞中瑞下瑞申報有司元日聞
奏自今以後望准令式

唐會要
二十九

兩京監生每館定額奏

元和二年十
二月國子監

兩京諸館學生總六百五十員請每館定額如後附
監學生總五百五十員國子館八十員太學館七十
員四門館三百員廣文館六十員律館二十員書館

十員算館十員伏見天寶以前各館學生其數至多並有員額至永泰後西監置五百五十員東監近置一百員未定每館員額今謹具定額如後伏請下禮部准額補置

唐會要六十六

非時選集註擬奏

元和三年正月吏部

准去年六月勅元和元年下文狀人但有續闕即便註擬元和二年下文狀人均待有兩季下續闕至冬未合收用者注擬伏以非時選集見在無多待闕多年艱辛轉甚其元年二月十三日已前下文狀應未得官人並請依當年平選留人例一時註擬其十月

以後及今年下文狀人如元勅卽與處分亦請准前
註擬其餘並請待註平選人畢有闕相當便註擬如
無闕相當卽請許待續闕

唐會要
七十五

三千里外縣限十二月起上奏

元和三年
三月吏部

應授三千里外縣替年終缺人等准元和二年五月
十九日敕量抽三千里外縣令至元和三年終計日
成四考闕其新授三千里外縣令等合用待舊人成
四考後至十二月二十五日起請准元和三年三月
二十四日敕其新授三千里外官人請從甲下後不
計程限但至十二月內赴上如出十二月內卽違程

例處如投替人續有故事便請放授官人上上不必待至十二月仍請自今已後每年若有替年終缺人亦請准此

唐會要六十九

舉行鄉貢舉人奏

元和三年五月兵部

伏准貞元十四年九月勅鄉貢舉人權停者伏以取士之方文武並用舉選之制國朝舊章參調者既積資勞入仕者必先貢舉自經停廢今已十年別趨倖門漸絕根本典獎具在可舉而行其鄉貢舉恐須准式却置

唐會要五十九

薦舉縣令分入三銓註擬奏

元和四年正月
中書門下

伏准元和二年制書舉薦縣令等前後勅文非一有司難於遵守今請中外所舉縣令並隨表狀十月三十日到省省司精加磨勘依平選人例分入三銓註擬平選人中有資序事跡人才與前舉縣令相類卽

先注擬時集望停

唐會要六十九

知郵驛官書考奏

元和五年正月考功

諸道節度使觀察等使各選清強判官一人專知郵驛如一周年無違犯與上考如有違越書下考者伏以遵守條章纔爲奉職便與殊考恐涉太優今請不違勅文者書中上考其違越者依前書下考仍請永

爲常式

唐會要
六十一

請謚行狀須佐史撰錄奏

元和五年
二月考功

當司三品以上准格合請謚官準貞元七年格文奉
寶應二年正月十八日勅節文佐史錄行狀陳請考
功詳覆訖下太常定謚者近日以來撰錄行狀多非
佐史旣乖事實又違格文伏請從今後請謚行狀準
勅文須是佐史

唐會要
八十

減省官員請存舊例奏

元和六年八
月中書門下

得兵部侍郎許孟容等狀當司准六月二日減省官
員及釐革三衛等應管京官及外官共三千三百二

十九員京官七百六員武官員數不多俸錢比文官較少又在中書門下兩省御史臺左右神策及諸軍諸使俠敕驅使員闕至少難議停省並請仍舊外官二十六萬二十三員所管諸府自折衝以下總無料錢例多闕乏空有府額其鎮戍官等或有任者不過數員縱使停減並無損益伏請存舊例六番三衛都四千九百六十三人縱使分番當上配役處多移牒勘會須得詳請續商量聞奏

唐會要五十九

縣令犯贓殿罰舉薦官奏

元和六年十月中書門下

准建中元年敕每年授官人令舉自代狀者又臣聞

周之羣寮委於冢宰漢之多士辟於有司故凡稱大僚皆得盡善陛下念黎元之困設令長之科羣僚舉知天下蒙福薦賢相繼敦勸大行苟或容私則利害攸伏伏請所舉縣令到任刑罰冤濫及有贓犯者其舉薦官削階及停見任書下考並准元和三年敕處分委御史臺諸道觀察使嚴加察訪不得容貸其諸道所舉官屬及有狀論薦人如有贓犯過惡亦請具名聞奏量加殿罰所翼人知戒懼不敢妄行爲官擇人得賢報國

唐會要
六十九

孫用祖蔭准例收補奏

元和六年十一月禮部

准今年九月吏部所奏勅應補太廟齋郎用蔭官並
五品已上子六品常參官子補者今詳節文所用五
品六品蔭者唯許子並不該孫又節文其應補太廟
齋郎郊社齋郎孫用祖蔭子用父蔭卽孫之與子並
許收補恐前後文字有所差錯今格限已及須守勅
文其孫用祖五品已上蔭者恐須准舊例收補

唐會
要五

十九

顏頰奔喪奏

元和六年閏
十二月廬州

量移官司戶參軍員外置同正員顏頰母在揚州十
二月二十七日身亡今請奔喪者准貞元十八年五

月十九日勅自今已後流人左降官稱遭憂奔喪者

宜令所司先奏聽進止

唐會要四十一

請定官俸規制奏

元和七年中書門下

國家舊章依品制俸官一品月俸三十千其餘職田祿米大約不過千石自一品以下多少可知艱難以來網禁漸弛於是增置使額厚請俸錢故大厯中權臣月俸有至九千貫者列郡刺史無大小給皆千貫常袞爲相始立限約至李泌又量其閑劇隨事增加時謂通濟理難減削然有名存職廢額去俸存閑劇之間厚薄頓異將爲定式須立常規

唐會要九十一

登科人據等第高下注官奏

元和八年四月吏部

應開元禮及學究一經登科人等舊例據等第高下量人才授官近日緣校書正字等名望稍優但霑科第皆求注擬堅待員闕或至踰年若無科條恐長僥倖起今已後等第稍高文學兼優者伏請量注校正其餘署開元禮人太常寺官有關相當注通經人國子監官闕相當者並請先授以備講討如不情願卽通注他官庶名實有恪紀律可守其今年以前待闕人亦請依此條限使爲常制

唐會要七十六

勘會諸司食利錢奏

元和九年十一月戶部

準八月十五日勅諸司食利本錢出放已久散失頗多各委本司勘會其合徵錢數便充食錢若數少不充以除陌五文錢量其所欠添本出放者令准勅各牒諸司勘會得報據秘書省等三十二司牒應管食利本錢物五萬三千九百五十二貫九百五十五文

各隨司破逃亡散失見在徵數額與元置不同今但據元置數額而已秘書省三千三百八十九

四貫五太常寺六千七百二十光祿寺一千二百九十九

四文宗正寺一百一十七貫衛尉寺一千二百五十五太僕寺

文千九貫大理寺五千九百二十四鴻臚寺二千六百六

貫司農寺二千七百三十五太府寺一千五百八十八

中省九百九十貫
詹事府一千一百九十七文
國子監

二千六百四十文
少府監一千三百三十四文
將作監

一千六百五十文
左春坊一千三百三十一文
右春坊一千文
司天臺

三百八十八文
家令司一千八百一十七文
太僕寺六百五十六貫

總監二千六百七十文
左藏庫六百一十二貫文
尚食局三百三十

尚舍局三百七十四文
尚輦局一百一十五貫文
太倉二千四百八十

十一內中局六百三十六文
萬年縣三千四百文
長安縣

二千七百四十五文
左衛五百四十四文
左司禦帥府二百一

貫四百三十三文
右司禦帥府一百九十三文
唐會要

謁先師常參官觀禮奏
元和九年十一月
禮部貢院

貢舉人見訖謁先師准格學官爲開講質定疑義常
參及致仕官觀禮舊例至時舉奏唐會要三十五

左降官考滿量移奏

元和十二年九月刑部

准今年七月二十一日勅諸道左降官等經五考滿
日許量移者其貶降日授正員官或無責辭亦是責
授並請至五考滿然後本任處申關并餘左降官緣
任處州府多是遐遠至考滿日其有申牒稽遲致留
滯者其刺史本判官錄事參軍等請與下考如考滿
後雖已申牒未經量移間其祿料並准天寶貞元兩
度勅文依舊支給其本犯十惡等罪已有正名仍請

依舊

唐會要
四十一

御史職事行立以勅文爲先後奏

元和十三
年御史臺

請應除御史職事但據上日爲先後未上日不得計
月數者准其年九月七日勅不逾一箇月不在此限
行立班次卽宜以勅內先後爲定臣伏以御史除官
之時據來處各有遠近若據一月便爲懲創恐乖舊
制殊未合宜伏緣臺司職事各有定分先後次第不
可逾越若行立班次旣依勅令公事先後須繫到日
則院長本職翻然在下制置錯亂無所遵承行之累
年轉見其弊伏請自今以後三院御史職事行立一

切依勅文先後爲定除拜上日便爲月數須觀積効
豈繫旬時如有除官以後赴職稽慢量道路遠近則
臺司別具名聞奏須議懲責豈止顛倒職事而已唐會
要六

敘錄將士准勅處分奏

元和十三年
六月中書省

應敘錄將士兼試官加泛階入三品五品伏准貞元
六年六月二十七日吏部所奏具有科條近日因循
多不遵守遂名器具濫昇進無章須重申明冀絕僥
倖自今已後應敘錄入五品三品階者並請准前勅
處分其正三品以上階准格式須有特恩不在用考

累敘之限

唐會要
八十一

大儼儀服奏

元和十三年十二月
左右金吾引駕仗

以舊例驅儼侖子等金吾將軍以下並具襴笏引入
閤門謹案大儼者所以驅除羣厲合資威武其光儀
襴笏之制常參朝服舊制未稱今後請各衣錦繡具
巾祿帶儀刀部引出入則與事合宜

唐會要
七十一

請諡立限奏

元和十四
年都省

請諡家子弟及門生故吏請立限未葬以前陳狀其
家在遐遠及別有事故者任至一年內陳狀到考功
一月內檢勘下太常禮院受牒後一月內定牒報考

功毓德邱園節行特異無官及位卑者任所在長吏奏請仍許不拘年限未立節限以前合請諡未請者家在城者任六箇月內於所司申請家在外者亦許至一年內申請立節限後如過限久全不請諡其中有善惡尤著可存勸誡請委考功訪察行實便請牒下太常禮院定諡庶使善必見稱惡無幸免伏准太常博士李虞仲奏凡官秩合得請諡者必先塋期請於考功牒送太常寺禮院然後一月內定諡者伏奉三月二十五日勅宜令尙書都省與考功及太常禮院更審條流明立節限聞奏者今與考功郎中蕭祐

太常博士李虞仲等商議具條流節限如前

唐會要八十

責授官任自參選奏

元和十四年十一月吏部

今請應責授官前制已改轉者各勒依今任考數停替日便放東西合選時任自參選不要反更有檢轄庶使人無凝滯事有指歸

唐會要四十一

考狀不得有虛美閒言奏

元和十四年十二月考功

自今以後應注考狀但直言某色行能某色異政某色樹置某色勞効推斷某色獄糾舉某色事便書善惡不得更有虛美閒言其中與下考亦各言事狀然與注考並不得失於褒貶如違據所失輕重准令降

書考官考

唐會要
八十一

奏報官吏善惡奏上同

據寶應二年勅御史臺分察使及諸道觀察使訪察
官吏善惡功過稍大事當奏聞者每年九月三十日
具狀報考功至校日參驗事跡以爲殿最伏以近日
功過都不見牒報今後諸司不申報者州府本判官
便與下考在京諸司道節級糾處本判官敕課日量
事大小黜陟

唐會要
八十一

諸道正員官依資改轉奏

元和十五年二
月申書門下

見任正員官充職掌等比限兩考及授官經二周年

以上方許奏請然與依資改轉有才在下位者不免留滯請自今已後諸道使應奏請正員官充職掌經一年者卽依資與改轉如未周者卽量與同類試官如此處分庶將得中

冊府六百三十一

豐陵合停日祭奏

元和十五年四月禮儀使

按禮文令式皇祖以上至太祖陵寢朔望上食其元日寒食冬至臘社日各設一祭皇考陵朔望及節祭外每日進食今豐陵合停日祭景陵日祭如式

唐會要二十一

饗景陵以香藥代魚肉奏

元和十五年五月殿中省

尚食局供景陵干味食數內魚肉委食味皆肥鮮掩埋之後薰蒸頗極今請移魚肉食於下宮以時進饗仍令尚藥局據數以香藥代之

唐會要二十一

憲宗配享昊天奏

元和十五年五月太常禮院

季秋大享明堂祀昊天上帝謹按禮文皇考配神作主今年季秋准禮合奉憲宗聖文章武皇帝配神作主

唐會要十二

州郡收銅鑄錢奏

元和十五年八月

伏準羣官所議鑄錢或請收市民間銅物令州郡鑄錢當元和以前鹽鐵使未置亦令州郡勾當鑄造今

若兩稅納正段或慮兼要通用見錢欲令諸道公私銅器各納所在節度團練防禦經略使便據元勅給與價直並折兩稅仍令本處軍民鎔鑄其鑄本請以留州留使年支未用物充所鑄錢便充軍府州縣公用當處軍人自有糧賜亦校省本所資衆力並收衆銅天下併功速濟時用待一年後鑄器物盡則停其州府有出銅鉛可以開爐鑄處具申有司便令同諸監冶例每年與本充鑄其收市銅器期限並禁鑄造買賣銅物等待議定便令有司條流聞奏其上都鑄錢及收銅器請各處分將欲施行尙資周慮請令中

書門下兩省尚書省御史臺並諸司長官商量重議

聞奏

唐會要
八十九

祧遷睿宗神主奏

元和十五年
禮部

准貞觀故事遷廟之主藏于夾室西壁今夾壁南北
三間第一間世祖室第二間高祖室第三間太宗室
伏以山陵日近睿宗皇帝祧遷有期夾室西壁三室
外無置室處准江都集禮古者遷廟之主藏于太室
北壁之中今請于夾室北壁以西爲上置睿宗皇帝
神主石室

唐會要
十五

公卿拜陵取清望官充奏

長慶元年
六月吏部

公卿拜陵通取尙書省及四品以上清望官中書省及諸司五品以上清望官及京兆少尹充

唐會要二十

奏彈違例常參官奏

長慶二年七月御史臺

文武常參官閤內奏事近年無例昨者威衛將軍高扶援引德音迴出班位緣非彈奏本條未敢舉勘起今以後其文武常參官應有諫論合守進狀常例有違卽請奏彈

唐會要二十五

拜陵稱疾罰俸奏

長慶三年御史臺

應差定拜陵公卿伏請除准式假外如吏部差定奏下後稱疾患事故者望同臨祭出齋例論罰俸應拜

陵公卿正衙辭後並合當日出城近來因循轉不遵
守動經累日止宿于家受命不恭莫甚于此臣請申
明舊制因事酌宜計其道程前後辭發

唐會要
二十

學士名目定制奏

長慶三年七月
宏文館

按六典當館先有學士直學士詳正學士校理直館
讐校錯誤講經博士等雖職事則同名目稍異須有
定制使可遵行今請准集賢史館兩司元和中停減
雜名目例其登朝五品以上充學士六品已下充直
學士未登朝官一切充直宏文館其餘并請停減冀
得典故不煩職業咸在

唐會要
六十四

白行簡留充新置郎官奏

長慶三年十月度支

主客員外郎判度支案白行簡前以當司判案郎官
刑部郎中韋詞近差使京西勾當和糴遂請白行簡
判案今韋詞却回其白行簡合歸本司伏以判案郎
官比有六人近或止四員伏請更置郎官一員判案
留白行簡充

唐會要五十九

條件流貶量移輕重奏

長慶四年四月刑部

准其年三月三日起請准制以流貶量移輕重相懸
貶則降秩而已流爲擯死之刑部寺論理條件間奏
今謹詳赦文流爲減死貶乃降資量移者却限年數

流放者便議歸還准今年三月赦文放還人其中有
犯贓死及諸色免死配流者如去上都五千里外量
移校近處如去上都五千里已下者則約一千里內
與量移近處如經一度兩度移六年未滿者更與量
移亦以一千里爲限如經三度兩度量移如本罪不
是減死者請准制放還如左降官未復資遇恩滿五
考者請准元和十二年九月勅與量移又准今年正
月德音諸色流人與減一年除贓限外滿五年卽放
還收敘其配流在德音已後者不在減限又天德五
城流人准長慶元年正月三日制以十年爲限又

准三月十二日勅縱遭恩赦不在放歸限今請待十年滿卽放歸仍任取配流日計年數不在援引德音減年之限

唐會要四十一

到官淹延罰俸奏

寶曆元年九月御史臺

常參官及六品以下分司官比來淹延動經累月今後常參官分司請勅下後二十日發其六品以下分司官請待臺牒到發限外若妄稱事故不發常參官聽進止六品已下官臺司舉罰兩月俸料

唐會要六十

條流兩館齋郎年限奏

寶曆元年九月禮部

准今年四月制當司合釐革條流兩館生齋郎資蔭

年限等據舊勅應補兩館生所用蔭第皆門地清華
勲賢胄裔近者時有源流或異支屬全疏罔冒門資
變易昭穆今請如有此色自本司磨勘得實坐其家
長所用廕告身用司印印郎官押署更不在行用之
限保官具事由申上中書門下請詣司官典檢報不
實並請准法科處分其太廟郊社齋郎亦並准此處
分若用廕曾經流貶未復本資或便身亡不曾申雪
卽用舊廕切恐非宜請便駁放其太廟齋郎亦准此
處分伏緣兩館生員闕不多請補者衆今請一家不
得用兩蔭許隔二年收補每用廕補人請明置簿歷

具注所補人年名日月用本司印郎官押署至補人數足後給其告身不在用限太廟齋郎准開元六年九月勅取五品已上子孫六品清資常參官子補充郊社齋郎用祖廕官階並須五品以上用父廕須六品以上常參官及兩府司錄判司詹事府丞大理司直并有五品階者所補齋郎皆用五保其保請以六品已上清資官充其一家不得周年保兩人仍不得頻年用蔭並請准兩館生例處分

唐會要五十九

請停贈太子廟祿獻奏

寶歷二年二月太常寺

追贈文敬太子廟在常安坊惠昭太子廟在懷真坊

各置官吏四時置享禮經無文況九廟遞遷族屬彌遠推恩降殺祿獻宜停又贈奉天皇帝廟贈貞順皇后廟及永崇坊隱太子以下七室同爲一廟并贈靖恭太子亦祔在此廟凡此制置皆是追崇或徇一時且非禮意日月旣久祀享尋停其神主望準故事瘞于廟地庶情禮終始不失經訓請下太常禮院與百

官議

唐會要十九

停四陵朝拜奏

同上

追尊孝敬皇帝以下四陵宜停朝拜事

孝敬皇帝恭陵讓皇帝惠陵

奉天皇帝齊陵承天皇帝順陵

前仲四陵昔年追尊大號皆是恩

制緣情而行當時已不合經典今乃二時朝拜上擬祖宗竊以情禮之差過猶不及謹按禮記及歷代禮文并國朝故事皇帝旁親無服又云五代而親屬盡伏以四陵親非祖宗事無功德緣情權制禮合變更有司因循尙爲常典況今宗廟之上遷世已遠尊卑降殺朝謁須停

唐會要二十

請當已錢充樂人衣糧奏

寶曆二年九月京兆府

伏見諸道方鎮下至州縣軍鎮皆置音樂以爲歡娛豈惟誇盛軍戎實因接待賓旅伏以府司每年重陽上巳兩度宴遊及大臣出領藩鎮皆須求雇教坊音

聲以申宴餞今請自於當己錢中每年方圖三二十
千以充前件樂人衣糧伏請不令教坊收管所冀公
私永便

唐會要
三十四

請賜獨孤謂章服奏

寶曆二年
京兆府

法曹參軍獨孤謂前件官元推問劫人賊車仲莒逐
尋蹤跡得去年十月於宣平坊北外門殺人并剝人
面皮賊熊元果等三人兩人緣盜馬捉獲尋准法決
殺訖伏以兇惡不去輦轂難爲肅清勤勞不酬官吏
無以激勸其獨孤謂伏請特賜章服

南部
新書